



CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES DA XUNTA DE GALICIA E A FEDERACIÓN AUTONÓMICA DE CENTROS DE ENSINO PRIVADO PARA A REALIZACIÓN COMO ENTIDADE COLABORADORA DE ACTIVIDADES DE FORMACIÓN PERMANENTE DO PROFESORADO.

Santiago de Compostela, na data da sinatura dixital

13/09/2023

## REUNIDOS

Dunha parte, D. Román Rodríguez González, conselleiro de Cultura, Educación, Formación Profesional e Universidades (en diante, Consellería), que actúa en virtude do seu nomeamento mediante o Decreto 60/2022, de 15 de maio, no exercicio das atribucións que lle confire o artigo 34 da Lei 1/1983, do 22 de febreiro, reguladora da Xunta e da súa Presidencia, e o artigo 3 do Decreto 119/2022, do 23 de xuño, polo se que se establece a estrutura orgánica da Cultura, Educación, Formación Profesional e Universidades.

E doutra parte, D. Ignacio Gay Irago, con DNI nº 53160777A, na súa calidade de presidente da Federación Autonómica de Centros de Ensino Privado (en diante, CECEGALICIA), CIF V15792476, e enderezo en Rúa Eduardo Pondal, 8, baixo, 15702 Santiago de Compostela.

Interveñen en función dos seus respectivos cargos e en exercicio das facultades que para convir en nome das entidades que representan teñen conferidas.

## EXPOÑEN

I. A Consellería exerce as competencias en materia de planificación, regulación e administración do ensino regrado en toda a súa extensión, niveis e graos, modalidades e especialidades, e ten entre outras funcións, o desenvolvemento de accións encamiñadas á



formación e perfeccionamento permanente do profesorado, o cal constitúe unha das pezas clave do noso sistema educativo.

II. CECEGALICIA, de acordo cos seus estatutos, ten recoñecida entre as súas finalidades a promoción da realización de congresos, seminarios e xornadas de difusión no ámbito do sector educativo, así como todo tipo de actividades formativas e de desenvolvemento de materiais formativos.

III. A Orde do 14 de maio de 2013 (DOG do 22 de maio) pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia, recolle no seu artigo 12.1 a posibilidade de subscribir convenios entre a consellería e outras entidades e institucións, públicas ou privadas sen ánimo de lucro, que estean vinculadas coa educación, entidades ou institucións que adquiren a condición de entidades colaboradoras.

IV. As dúas institucións están interesadas na creación dun marco de colaboración estable para a formación permanente do profesorado que estableza unha adecuada planificación das accións formativas e que permitan dar unha resposta adecuada ás necesidades formativas do sistema educativo e do persoal docente, coa finalidade de que repercutan positivamente no proceso de ensinanza e de aprendizaxe do alumnado.

En atención ao exposto, ambas as dúas partes conveñen en formalizar este convenio de colaboración de acordo coas seguintes

## CLÁUSULAS

### Primeira. *Obxecto.*

O obxecto deste convenio é colaborar no eido da formación permanente do profesorado, dentro do ámbito de aplicación da Orde do 14 de maio de 2013 (DOG do 22 de maio) pola



que se regula a convocatoria, o recoñecemento, a certificación e o rexistro das actividades de formación permanente do profesorado en Galicia.

Segunda. *Obrigas.*

CECEGALICIA por medio da subscrición deste convenio adquire a condición de entidade colaboradora e obrígase a:

- a) Organizar e desenvolver as actividades de formación permanente do profesorado que se recollen na addenda que se adxunta a este convenio, segundo o establecido nos Capítulos I, II III, IV, V, VI e VII da Orde do 14 de maio de 2013.
- b) Garantir que a oferta formativa, especificada na correspondente addenda, sexa unha oferta aberta ao profesorado que desenvolve o seu labor docente ou especializado nos centros sostidos con fondos públicos, dentro do ámbito de xestión da Consellería de Cultura, Educación, Formación Profesional e Universidades, así como aquel con destino nos servizos técnicos da consellería.
- c) CECEGALICIA disporá do persoal técnico, equipamento e instalacións necesarias para levar a cabo as distintas accións formativas recollidas nas addendas e que se relacionan na mesma, e especialmente en actividades relacionadas coas TIC.
- d) CECEGALICIA establecerá procesos internos de seguimento das actividades que garantan o seu correcto desenvolvemento, e facilitará os procesos de seguimento e inspección establecidos pola administración educativa, proporcionando os datos requiridos tanto sobre persoas seleccionadas ás actividades, asistentes, renuncias en prazo e xustificadas e non comparecencias ou renuncias non xustificadas, como outros datos xenéricos da actividade.
- e) CECEGALICIA, ademais das obrigas legais establecidas de avaliación das actividades e das persoas participantes, colaborará coa administración educativa, por medio da rede de formación permanente do profesorado, na avaliación que esta poida realizar



do desenvolvemento e adecuación das actividades obxecto do convenio en relación coas liñas, obxectivos e finalidades establecidas en materia de formación do profesorado.

- f) CECEGALICIA adoptará as medidas necesarias para facilitar o proceso de xestión e certificación das actividades de formación de xeito que se poida garantir unha adecuada coordinación e eficiencia no recoñecemento e certificación das actividades.
- g) Nos materiais que se publiquen ao abeiro deste convenio inseriranse o logotipo da consellería e farase mención expresa a este convenio. A consellería non terá responsabilidade no seu uso.

A Consellería coa subscrición deste convenio obrígase a :

- Colaborar con CECEGALICIA para o adecuado desenvolvemento do programa de formación aprobado, facilitando a xestión de procedementos de recoñecemento e certificación.

Terceira. *Causas de resolución.*

Será causas de resolución deste convenio:

- a) Non realizar ningunha actividade de formación nalgún dos anos de vixencia do convenio.
- b) Non realizar por parte da entidade máis do 60% das actividades aprobadas.
- c) As demais que se establezan no correspondente convenio.
- d) Calquera das partes poderá denunciar o convenio durante o seu período de vixencia sempre que medie incumprimento grave dos compromisos asumidos,



así como polo incumprimento dos requisitos establecidos na Orde do 14 de maio de 2013 pola que se regula a convocatoria, o recoñecemento, a certificación e o rexistro das actividades de formación permanente do profesorado en Galicia.

#### *Cuarta. Comisión de seguimento.*

4.1 Para o seguimento do establecido neste convenio, as partes acordan crear unha Comisión de seguimento que estará integrada por dous representantes de cada unha das partes asinantes.

4.2. A Comisión reunírase como mínimo unha vez ao ano, así como sempre que o requira unha das partes, con previo aviso á outra parte con polo menos unha semana de antelación.

#### *Quinta. Relacións laborais.*

A subscrición deste convenio non implica relación laboral contractual ou de calquera tipo, entre os profesionais que desenvolveron as actividades e a Xunta de Galicia, de tal modo que non se lle poderá esixir ningunha responsabilidade, nin directa, nin indirecta, nin subsidiaria, polos actos ou feitos ocorridos durante a execución das actuacións e/ou a vixencia deste convenio.

#### *SEXTA. Valoración económica.*

A realización deste convenio non supón ningún gasto para as institucións asinantes; por este motivo non se precisa consignación orzamentaria.

#### *Sétima. Protección de datos de carácter persoal.*



As partes manifestan que coñecen e cumpren tanto a lexislación europea como nacional en materia de protección de datos de carácter persoal, á que se someten de forma expresa, comprometéndose a dar un uso debido aos datos de tal natureza que obteñan como consecuencia do desenvolvemento deste convenio, no marco do disposto polo Regulamento (UE) 2016/679 do Parlamento Europeo e do Consello, de 27 de abril de 2016 e na Lei orgánica 3/2018, do 5 de decembro, de protección de datos persoais e garantía dos dereitos dixitais.

As partes comprométense a:

- Tratar os datos de carácter persoal coa finalidade exclusiva de realizar o servizo.
- Que os datos de carácter persoal non serán obxecto de ningún tratamento distinto aos previstos neste convenio.
- Que os datos de carácter persoal non se cederán a terceiros, salvo nos casos en que exista unha obriga legal.

As persoas interesadas poderán exercer, de ser o caso, os dereitos de acceso, rectificación, cancelación, oposición, limitación e portabilidade nos termos legais previstos, mediante a comunicación ao domicilio social da respectiva entidade.

Os datos de carácter persoal deberán ser devoltos ou conservados nun arquivo protexido, a criterio de CECEGALICIA, unha vez finalizada a vixencia do convenio e no momento en que, en cumprimento das condicións pactadas ou legalmente previstas, remate a relación entre ambas partes; sen prexuízo das excepcións que a normativa e/ou as decisións xudiciais puidesen establecer con respecto ao mantemento temporal mínimo de certos datos que pola súa natureza así se requira. O mesmo destino haberá de darse a calquera soporte ou documento no que conste algún dato de carácter persoal obxecto de tratamento.

Oitava. *Rexistro de convenios.*



A sinatura deste convenio suporá o consentimento expreso de CECEGALICIA para incluír e facer públicos os datos referidos ao convenio, de conformidade coa Lei 1/2016, do 18 de xaneiro, de transparencia e bo goberno, e co Decreto 126/2006, do 20 de xullo, polo que se regula o rexistro de convenios da Xunta de Galicia.

*NOVENA. Normativa aplicable e xurisdición.*

Este convenio ten carácter administrativo e os seus efectos rexeranse polo establecido nas súas cláusulas, e quedará suxeito ao disposto polo Acordo da Xunta de Galicia, do 27 de marzo de 1991, sobre convenios de cooperación con outros entes públicos e de colaboración con particulares, feito público pola Resolución da Consellería e Facenda do 8 de abril de 1991, así como a Lei 40/2015, do 1 de outubro, de Réxime Xurídico do Sector Público.

As cuestións litixiosas que xurdisen respecto da interpretación, a modificación, a resolución serán resoltas de mutuo acordo polas partes. En defecto de acordo entre as partes, a xurisdición contencioso-administrativa será a competente para dirimir as cuestións que puidesen xurdir da aplicación deste convenio.

*DÉCIMA. TRANSPARENCIA*

Coa sinatura deste convenio as partes asinantes prestan o seu consentimento para incluír e facer públicos, a través do Portal de Transparencia e Goberno Aberto, os datos de carácter persoal contidos nel.

*DÉCIMA. Vixencia.*

Este convenio entrará en vigor o día seguinte da súa sinatura, estará vixente no curso escolar 2023/24, e será prorrogado automaticamente por 4 cursos escolares sucesi-



vos, cos límites establecidos no artigo 49 h) da Lei 40/2015, do 1 de outubro, de réxime xurídico do sector público, salvo denuncia expresa dunha das partes asinantes cunha notificación á outra con dous meses de antelación.

En proba de conformidade, as partes asinan este convenio na data da sinatura dixital.

O conselleiro de Cultura, Educación Formación Profesional e Universidades Román Rodríguez González	O director da Federación Autonómica de Centros de Ensino Privado Ignacio Gay Irago
--	--



## **ANEXO AO CONVENIO DE COLABORACIÓN ENTRE A CONSELLERÍA DE CULTURA, EDUCACIÓN, FORMACIÓN PROFESIONAL E UNIVERSIDADES DA XUNTA DE GALICIA E A FEDERACIÓN AUTONÓMICA DE CENTROS DE ENSINO PRIVADO PARA A REALIZACIÓN COMO ENTIDADE COLABORADORA DE ACTIVIDADES DE FORMACIÓN PERMANENTE DO PROFESORADO.**

As dúas institucións pretenden unha cooperación estable para a formación permanente do profesorado que estableza unha adecuada planificación das accións formativas, coa finalidade de que repercutan positivamente no proceso de ensinanza e de aprendizaxe do alumnado.

As dúas partes consideran necesaria a dita colaboración coa finalidade de asegurar a axeitada planificación e desenvolvemento das actividades de formación permanente do profesorado, polo que para o curso 2023/24 CECEGALICIA ofrecerá ao profesorado que desenvolve o seu labor docente ou especializado nos centros sostidos con fondos públicos, dentro do ámbito de xestión da Consellería, as actividades que se detallan a continuación:

### **RELACIÓN DE ACTIVIDADES**

- Nome do curso: Xestión do tempo para docentes.
  - Número de horas: 8h.
  - Modalidade: presencial.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Mindfulness. Curso de aplicación práctica na aula de infantil.
  - Número de horas: 8h.
  - Modalidade: En rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Coordinador de Benestar e Delegado de Protección
  - Número de horas: 40 horas.
  - Modalidade: en rede.
  - Destinatarios: persoal docente.



- Lugar de impartición: sede de CECE Galicia. Sede dos centros educativos.
  
- Nome do curso: Bernard Aucouturier e a súa práctica Psicomotriz.
  - Número de horas: 20h.
  - Modalidade: en rede
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
  
- Nome do curso: Competencia Dixital Docente – Nivel B1
  - Duración: 70h.
  - Modalidade: en rede
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
  - Mapeo:
    - Área 1. Compromiso profesional
      - 1.Competencia 1.1: A competencia dixital docente
      - 2.Competencia 1.2: Os compromisos do docente.
    - Área 2. Contidos dixitais
      - 1. Competencia 2.1: Qué se considera contido dixital.
      - 2. Competencia 2.2: Formatos de contidos dixitais.
      - 3. Competencia 2.3: Retos dos contidos educativos dixitais.
      - 4. Competencia 2.4: Contidos dixitais: detalle e elaboración.
      - 5. Competencia 2.5: Creación de recursos dixitais para a aula.
    - Área 3. Ensino e aprendizaxe
      - 1. Competencia 3.1: A tecnoloxía no sistema educativo español.
      - 2. Competencia 3.2: A influencia da tecnoloxía no ámbito educativo.
      - 3. Competencia 3.3: Inclusión da tecnoloxía na aula.
    - Área 4. Avaliación e retroalimentación
      - 1. Competencia 4.1: Introducción.
      - 2. Competencia 4.2: Plataformas de seguimento e avaliación.
    - Área 5. Empoderamento do alumnado
      - 1 Competencia 5.1: O empoderamento na educación.
    - Área 6. Desenvolvemento da competencia dixital do alumnado
      - 1. Competencia 6.1: Competencias dixitais do alumnado.
      - 2. Competencia 6.2: A aprendizaxe activa.
      - 3. Competencia 6.3: Flipped Classroom ou pedagogía inversa / aula investida.
  
- Nome do curso: Competencia Dixital Docente – Nivel B2
  - Duración: 80h.
  - Modalidade: En rede
  - Destinatarios: Persoal docente.



- Lugar de impartición: Sede de CECE Galicia, Sede dos centros educativos.
- Mapeo:
  - Área 1. Creación e uso de contidos dixitais.
    - 1. Competencia 1.1: A competencia dixital docente nivel B2.
    - 2. Competencia 1.2: Qué se considera contido dixital.
    - 3. Competencia 1.3: Tipos de contido dixital.
    - 4. Competencia 1.4: Contidos dixitais: detalle e elaboración.
    - 5. Competencia 1.5: Dereitos de autor e licenza.
    - 6. Competencia 1.6: Programación e pensamento computacional.
    - 7. Competencia 1.7: Uso de Scratch na aula.
  - Área 2. Seguridade dixital.
    - 1. Competencia 2.1: Protección de dispositivos electrónicos no centro.
    - 2. Competencia 2.2: Protección de datos no ámbito educativo.
    - 3. Competencia 2.3: Protección da saúde ante o uso da tecnoloxía.
    - 4. Competencia 2.4: Protección do medio ambiente.
  - Área 3. Resolución de incidencias técnicas.
    - 1. Competencia 3.1: Problemas técnicos e resolución.
    - 2. Competencia 3.2: Necesidades do centro e resposta TIC.
    - 3. Competencia 3.3: Uso creativo e innovación: Metodoloxías relacionadas coas TIC.
    - 4. Competencia 3.4: Identificación de lagoas na Competencia Dixital Docente.
  - Área 4. Comunicación dentro e fóra do centro educativo.
    - 1. Competencia 4.1: Sistemas de comunicación interna.
    - 2. Competencia 4.2: Sistemas de comunicación externa.
    - 3. Competencia 4.3: Plataformas colaborativas para o traballo en equipo.
- Nome do curso: Avaliación por Competencias.
  - Duración: 25h.
  - Modalidade: En rede.
  - Destinatarios: persoal docente.
  - Lugar de impartición: Sede de CECE Galicia, Sede dos centros educativos.
- Nome do curso: Aprendizaxe Baseada en Proxectos.
  - Duración: 25h.
  - Modalidade: en rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Adaptacións curriculares.
  - Duración: 25h.
  - Modalidade: En rede.
  - Destinatarios: Persoal docente.



- Lugar de impartición: Sede de CECE Galicia, Sede dos centros educativos.
- Nome do curso: Resolución de conflitos na aula.
  - Duración: 25h.
  - Modalidade: En rede.
  - Destinatarios: Persoal docente.
  - Lugar de impartición: Sede de CECE Galicia, Sede dos centros educativos.
- Nome do curso: Mediación entre iguais no ámbito escolar.
  - Duración: 25h.
  - Modalidade: En rede.
  - Destinatarios: Persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Estimulación Multisensorial en Centros Educativos.
  - Modalidade: en rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Gamificación na aula e creación de recursos dixitais.
  - Duración: 25h.
  - Modalidade: en rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Atención temperá: pautas e recursos para alumnado con necesidades educativas especiais
  - Duración: 8h.
  - Modalidade: presencial
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Educación emocional na infancia.
  - Duración: 25h.
  - Modalidade: en rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.
- Nome do curso: Prevención do acoso escolar e ciberbullying.
  - Duración: 25h.
  - Modalidade: en rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.



- Nome do curso: Nenos con altas capacidades.
  - Duración: 25h.
  - Modalidade: en rede.
  - Destinatarios: persoal docente.
  - Lugar de impartición: sede de CECE Galicia. Sede dos centros educativos.